

Bhaibheri re vana
Rikukupai

Mukuru
wetemberi
anoshanyira
Jesu



Rakanyorwa ndiani: Edward Hughes
Rakafanidzirwa ne: Byron Unger; Lazarus
Rakatorwa na: M. Maillot; Sarah S.

Alastair Paterson

Rwakashandurwa na: Tendai Mugova
Rakabudiswa na: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.


Mitero: Une mvumo yekutora nyaya iyi kana
usinganotengesi chete.




Rimwe zuva, Jesu akaenda kutemberi
akaona vanhu vachiita zvakanga zvisina
kunaka. Vakanga vachitengesa mhuka
mukati metemberi yaMwari.



Jesu akaruka tyava yorwonzi, akabudisa mutemberi makwai nemombe zvose. Akataura akati, "Musaita imba yaBaba vangu imba yokutengesera." Jesu aida imba yaBaba vake zvikuru.






Vatungamiri
vakakumbira Jesu
kuti ataridze kuti
akanga akakodzera
kuburitsa vanhu
mutemberi. Jesu
akati, "Putsai
temberi iyi,
ndichaimutsazve
namazuva matatu."
Kana! Temberi iyi
yakavakwa nemakore
anamakumi mana
namatanhatu.



Jesu akanga achitaura temberi
yomuviri wake. Muviri wake
wakanga uri temberi ya Mwari.
Jesu akanga achafa
pamuchinjikwa asi
akaziva kuti Mwari
vachamumutsa
mushure mamazuva
matatu.





Manheru, mumwe
mutangamiri
wetemberi akaenda
kuna Jesu. Akaziva
nokuda kweminana
kuti Jesu akanga
atumwa kubva kuna
Mwari. Nikodimo
akaenda kuna Jesu
kuti anodzidza
pamusoro paMwari.





Jesu akaudza
Nikodimo kuti
munhu anofanira
kuzvarwa kutsva
kuti akwanise
kuwana humambo
hwokudenga.
Nikodimo haana
kunzwisisa. Munhu
mukuru akanga
achaita mwana
mudiki sei? Kuva
mutendi kwakanga
kusina kukwana
here?





Jesu
akatsanangura
achiti,
"Chakaberekwa
nomweya
chinoberekawo
zvomweya. Mweya
waMwari unenge
mhupo. Vanhu
havakwanise kuona
kana kunzwisisa
mhupo, asi
vanokwanisa kuona
zvinoita mhupo."






Jesu akayeuchidza Nikodimo
nokuda kwevana veIsirayeri vakanga
vachinyunyuta kuna Mozisi makore akanga
apfura vachiti, "Hatina chikafu kana mvura.
Hatifariri chingwa chatapiwa naMwari."





Zvivi zvevanhu hazvina
kufadza Mwari. Akatumira
nyoka zhinji, dzakaruma vanhu.
Vanhu vakawanda vakafa.



Vanhu vakakumbira Mozisi
vakati, "Tatadza zvikuru.
Namata uchikumbira Mwari
kuti abvise nyoka idzi."
Mozisi akanamata asi Mwari
haana kubvisa nyoka idzi.



Mwari akaudza Mozisi kuti
agadzire nyoka aise padanda.
Mwari akataura achiti, "Ani nani
anorumwa nenyoka achararama
akatarisa nyoka iri padanda."
Mozisi akagadzira nyoka
yendarira. Vose vakaitarisa
vakaporeswa.





Jesu akaudza Nikodimo
kuti mwanakomana
waMwari anofanira
kusimudzwa wo
sezvakaita Mozisi
paakasimudza
nyoka murenje.





Jesu akataura nokuda
kwemuchinjikwa,
paakanga
achafira
vatadzi vose.





Jesu akati,

"Nokuti Mwari wakada nyika,
wakapa mwanakomana wake
mumwechete, kuti aninani
anotenda kwaari arege
kuparara, asi ave
noupenyu
husingaperi."





Izvi zvinoreva kuti ani
nani anotenda kuna
Mwari achava
mwana
waMwari.



Zvichida Nikodimo haana kuva mudzidzi waJesu manheru aya. Asi makore achinge apfura, Nikodimo akataridza kuti anoda Mwari uye akanga achida kutenda Jesu nokubatsira kumuviga achinge arovererwa pamuchinjikwa.



Mushure manguva, Jesu nevadzidzi vake vakaenda kunotaura nevamwe vanhu vakanga vachida kunzwa nezvehumambo hwaMwari. Vakanga vachida kutenda kuna Jesu we Nazareta, Mwanakomana waMwari.



Mukuru wetemberi anoshanyira Jesu

Nyaya yeshoko raMwari, Bhaiberi

Inowanikwa mu

Johane 2-3, Numeri 21

"Mazwi enyu anotipa kuchena."

Mapisarema 119:130



Magumo



Nyaya dze mu Bhaibheri dzinotiwudza zvekushamisa kwaMwari
Musiki wedu uyo anoda kuti umuzive.

Mwari anoziva kuti tese takaita zvakaipa, izvo zvaanoti zvitema.
Mubairo wechitema ndirwo rufu, asi Mwari anokuda kwazvo,
akatuma mwana wake, Jesu, kukufira pamuchinjikwa uye
akatambudziwa nemhaka yako. Jesu akafa akumuka, akadzokera
kumusha kudenga! Kana uchitenda muna Jesu uye ukakumbira
kuregererwa anokuregerera zvitema zvako, Anokuregerera!
Achaya kuzogara mumoyo mako. Achagara mauri. newe ugogara
maari mazuva namazuva.

Kana uchitenda kuti ichi ichokwadi, taura kuna Mwari uchiti
Mudiwa Jesu, ndinotenda kuti ndimi Mwari, uye makauya semunhu
panyika kuzofira zvitema zvangu, uye murikurarama. Huyai mumoyo
mangu mundiregere zvitema zvangu, kuti ndive heupenyu hutsva, uye
nerimwe zuva ndigogara nemi nekusingaperi. Ndibatsirei kuti
ndikuteerereyi, ndirarama semwana wenyu. Amen.

Verengayi Bhaibheri nekutaura ne Mwari mazuva ese. Johane 3:16

